

444

G

13











12  
3

DISPUTATIO  
INAUGURALIS.  
DE  
DONATIONIBUS.

X.  
KW 444  
9 13

Q V A M  
PRÆSIDE SUMMO NUMINE.  
Ex Authoritate  
MAGNIFICI DOMINI RECTORIS.

*Viri Amplissimi & Consultissimi,*  
DN. JOHANNIS JACOBI  
WISSENBACH,

J.U.D. Ejusdemque Facultatis in Illustri Fri-  
siorum Academia Professoris Primarii.

*Et Amplissimi Senatus Academici decreto, Consultissimaque  
Juridicæ Facultatis Consensu,*

Pro LICENTIA, Summisque in utroque jure  
honoribus ac privilegiis ritè obtinendis.

*Publico eruditorum examini submittit*

PHILIPPUS EISERMANNUS,  
CASSELLANUS HASSUS.

In Templo Academico die .7. Octobris.



FRANEKERÆ,  
Ex Officina JOHANNIS WELLENS, Illustr. Fris. Ordin.  
& eorundem Acad. Typogr. Ordinarii. 1662.



*Viris Magnificis, Nobilissimis, Am-  
plissimis ac Consultissimis,*

**D<sup>N</sup>. NICOLA O SIXTINO,**

**I**Cto eminenti Serenissimi ac Celsissimi  
Principis ac Domini, **D<sup>N</sup>. WILHELMI VI**  
**Hassiae Landgravii, Principis Hersfel-**  
**diae &c. Consiliario intimo, Principa-**  
**lis Camerae Praesidi ac Directori gra-**  
**vissimo.**

**D<sup>N</sup>. JOHANNI VULTEJO,**

**I**Cto pereximio, Ejusdem Celsitudinis  
Consiliario Secretiori & Cancellario Spe-  
ctatissimo, gravissimo.

**D<sup>N</sup>. REGNERO BADENHAUSEN,**

**J**urisperito insigni, praefatae Celsitudinis  
Consiliario interiori, & ad Comitia Im-  
perii **Legato.**

**Dominis suis, Patronis, Mæcenatibus & pro-  
motoribus observandissimis.**



*Disputationem hanc inauguralem,  
& se ipsum omni obsequio*

Submisit

Offert & Commendat

**PHILIPPUS EISERMANNUS.**



J. N. D. N. I. C.  
DISPUTATIO JURIDICA,  
INAUGURALIS.

D E  
DONATIONIBUS.

T H E S. I.



Cquiritur dominium vel jure gentium, vel jure civili. *l. 1. princ. ff. de acquir. rer. Domin. l. in rem actio 23. princ. ff. de R. V. §. 11. Inst. de rer. divis. §. ult. Inst. de usu & habit.* Jure gentium acquiritur Dominium his modis. Occupatione, Accessione, Specificatione, Confusione, Commixtione, Traditione. *tot. tit. ff. de acquir. rer. dom. §. 12. & seqq. usque ad fin. Inst. de rer.*

*divis.* Jure civili acquiritur dominium aut per universitatem. ut Hereditate, Bonorum possessione, Arrogatione, & Libertatum conservandarum additione. *§. 1. Inst. de acquisit. per arrog. tit. Inst. de eo cui libert. caus. bon. addic.* Aut Sigillatim seu particulariter, ut Usucapione, Donatione, Legato, & Fideicommisso particulari. Nos verò de unico illo modo de Donatione agemus.

2. Donatio est mera quædam liberalitas, quæ nullo jure cogente fit, sed ex sola liberalitate & munificentia donantis procedit. *l. 1. l. donari 29. ff. de donat. l. 82. ff. de R. I.* Unde donatio remuneratoria, sub hac definitione non continetur, cum beneficii potius fit compensatio, quàm donatio, ideoque ob ingratitudinem revocari non potest, item ab ea excluditur



dos & donatio propter nuptias, cum ad utramque quis cogatur *l. 19. ff. de ritu nupt.* in necessitatibus enim nemo est & præsumitur liberalis *l. 18. ff. de adim. legat.* Dicta est donatio à dono, quasi donatio *l. 35. §. 1. ff. de donat. m. c.* cum quis ea mente dat simul & tradit, ut res statim accipientis fiat, nec unquam ullo facto velit ad se reverti *l. 1. §. 1. ff. de donat.*

3. Donationum duo sunt genera *Mortis causa, & non mortis causa*, *princ. Inst. de donat.* Illa fit propter mortis aut periculi alicujus suspensionem & metum, ac tunc rata est cum causa est secuta. Hæc quæ etiam inter vivos dicitur, sine ulla mortis aut periculi cogitatione fit: quæ iterum est vel Absoluta vel Relata. Illa ex mera liberalitate & munificentia proficitur, hæc fit ob aliud, veluti est donatio propter nuptias, & remuneratoria. *l. Sed etsi 25. §. 11. ff. de petit. hered.*

4. Donare possunt omnes qui liberam rerum suarum habent administrationem, & qui nominatim à lege non prohibentur. *arg. l. cum prætor. 12. princ. ff. de judic.* Nam suæ quidem quifque rei moderator est & arbiter *l. in re mandata 21. Cod. mandat.* Prohibentur autem donare, Servus, cum non habeat proprium *l. contra 28. §. si filius aut servus ff. de pact.* Furiosus & mente captus *l. modestinus 23. in fin. ff. de donat.* Prodigus cui bonis interdictum est *l. is cui ff. de V. O.* Pupillus *l. pupillus. 11. ff. de acquir. rer. dom.* Mutus verò & surdus donare non prohibentur, quia donatio consensu fit, nisi à natura quis mutus & surdus simul esset, nec intelligeret quid ageret *l. 33 §. 2. ff. de donat.* Senex qui mente constat donare potest, qui autem delirare & desipere incipit non potest *l. 16. Cod. de donat.*

5. Filius familias donare non potest, etiam si à patre libera ei peculii administratio concessa sit, nec enim ad hoc ei conceditur libera peculii administratio ut perdat *l. filiusfam. 7. pr. ff. de donat.* nisi iusta ratione motus donet. *d. l. 7. §. 1.* vel filius sit Senatoris, Ducis, vel alterius dignitatis *d. l. 7. §. 3.* vel peculium castrense vel quasi castrense habeat, nam de hujusmodi peculio, inter vivos & mortis causa donare & testari potest. *d. l. 7. §. fin.*

6. Is



6. Is qui commisit crimen capitale donare non potest, & donatio post commissum crimen capitale facta, in suspenso est, absoluto reo, retrò censetur valida, condemnato reo, tanquam in fraudem fisci facta, revocatur *l. post contractum. 15. ff. de donat.* Illa verò donatio inter vivos, quæ ante contractum crimen capitale facta est, valet, tametsi donator capitis pœna postea affectus sit *l. si aliquis 7. ff. de donat. m. c.* Donationes autem mortis causa factæ, evanescunt, secuta condemnatione, etiamsi ante contractum crimen factæ sint. *d. l. 7.* quia hæ donationes comparantur legatis *§. 1. Inst. de donat.* Testamentum autem per insequentem damnationem rescinditur *l. ejus qui 8. §. 1. ff. qui testam. fac. poss. l. 6. §. irritum 5. & 6. ff. de injust. rupt. & irrit. testam. Cujac. 6. obs. 23. in fin. Fab. 7. conject. 20.*

7. Omnibus inter vivos donari potest, nisi per legem prohibeantur, sive sit paterfamilias, sive filiusfamilias, sive pubes sive impubes, cum pupillis liceat conditionem suam meliorem facere, etiam sine tutoris auctoritate *princ. Inst. de auctor. tutor.* Non solum amicis & notis, sed etiam ignotis & extraneis, *l. in extraneos. 29. Cod. de donat.* Et non solum præsentis, sed etiam absenti *l. nec ambigi 6. Cod. eod. tit. l. absenti 10. ff. de donat. per epistolam l. si aliquid 13. Cod. de donat.* per nuntium vel aliam interpositam personam *d. l. absenti l. 4. ff. de donat. honestis & inhonestis l. affectionis 5. l. donationes in concubinam. 31. princ. ff. de donat.*

8. Prohibitæ sunt donationes inter conjuges, ne concordia pretiò conciliari videretur, ne amor conjugalis venalis esset, aut alter profusâ liberalitate redderetur pauperior, alter verò locupletior *l. 1. l. 2. l. 3. princ. ff. de donat. int. vir. & uxor.* & non modò inter ipsos conjuges donationes sunt vetitæ, sed etiam inter focerum & generum, Socerum & nurum, Consoceros invicem in quorum potestate sunt conjuges *l. 3. §. 1. & seqq. l. 5. §. 2. l. 26. §. 1. l. cum hic 32. §. oratio 16. & 18. ff. de donat. int. vir. & uxor. l. 3. l. 4. l. 5. l. 25. Cod. eod. tit.* Socer non potest donare genero, quia uxor donare marito per patrem videtur, propter jus suitatis. Nec socer potest donare nurui, quia quod socer dat nurui, maritus ipse propter suitatem donare in-



telligitur. Confocer non potest confocero donare, quia propter jus fuitatis uni detrahi, & alteri addi videtur. *dd. ll. nec frater mariti donare potest uxori ejus, quia maritus ipse dare per duas interpositas personas videtur, patris nimirum & fratris d. l. 3. §. 2. & 5. Hottoman. disp. de donat. c. 6. n. 19. 20. 21. & 8. obs. 15. in fin.*

9. Donatio injustæ uxori contra præcepta legum ductæ, facta, est irrita, ne melior sit conditio eorum qui deliquerunt *l. 3. §. 1. ff. de donat. int. vir. & uxor.* Concubinæ verò donare licet *l. 31. ff. de donat.* Item meretrici *l. affectionis 5. ff. eod. l. idem 4. §. Sed & quod meretrici. 3. ff. de condit. ob turp. caus.* Miles verò concubinæ suæ donare prohibetur, ne fictis adulationibus milites spolientur *l. 2. Cod. de donat. int. vir. & uxor.* quæ Constitutio etiam ad Sacerdotes, Doctores, Advocatos porrigitur, cum & hi militare dicantur *l. advocati. 14. Cod. de advoc. div. judic.* Sed hodiè sublato concubinato, otiosa & iners est hæc quæstio *Cujac. 5. obs. 6. Duaren. in tit. de inoff. testam. fol. 176.*

10. Donatio simplex, sive inter vivos prohibita est inter virum & uxorem (nisi Imperator donet conjugui suæ *l. donationes 26. Cod. de donat. int. vir. & uxor.*) non etiam donatio mortis causa, quia hæc confertur in tempus quo amplius conjuges non sunt *l. si eum. 9. §. 2. & ll. seqq. ff. de donat. int. vir. & uxor. l. 40. ff. de donat. m. c.* In hoc autem donatio mortis causa inter conjuges facta, differt à donatione mortis causa inter extraneos facta: Rei mortis causa uxori à marito donatæ & traditæ dominium non statim transit in accipientem, sed tunc demum cum mors fuerit insecuta *l. 11. princ. ff. de donat. int. vir. & uxor.* Inter alias autem personas ita juris est, ut dominium in accipientem statim transeat. Nisi hæc lege mortis causa res sit donata, ut morte demum donatoris transferatur dominium *l. 2. l. 30. l. 39. ff. de donat. m. c.*

11. Sunt tamen casus quibus constante matrimonio donatio simplex inter maritum & uxorem facta valet: Ut si honoris ac dignitatis adipiscendæ gratia uxor marito donaverit *l. 40. l. 41. l. 42. ff. de donat. int. vir. & uxor. l. 21. Cod. eod.* Si donatio accipien-



entem non fecerit locupletiores *d. l. 21. l. 32. §. 9. l. 25. l. 28. l. 3. l. 50. §. 1. ff. de donat. int. vir. & uxor.* Si alter alteri donaverit servum hâc lege ut eum manumittat *l. 22. Cod. d. tit. l. 7. ult. ff. eod.* (quod vel libertatis favore placuit, vel quia tali donatione accipiens non fit locupletior *l. 126. ff. de R. I.*) Si maritus uxori quod in diem debet ei repræsentaverit, id est, solverit ante diem *l. 31. §. quod vir. ff. de donat. int. vir. & uxor.* Si annuum quid præstiterit, quod dotis quantitatem non excedat *l. 15. pr. ff. d. t.* Si vectigal in itinere pro ea solverit *l. 21. pr. ff. eod.* Si alter alteri ad refectioem domus incendio consumptæ pecuniam erogaverit *l. 14. ff. eod.* Si sepulturæ causa dedit, *l. 5. §. 8. ff. eod.* Si alter alterius servis, vestimentis aut ædibus gratis usus fuerit *l. 18. ff. eod. tit.*

12. Donatio uxori facta à marito, vel contrà, silentio & morte donatoris confirmatur *l. cum hic 32. §. 1. §. ait oratio. 2. l. 14. §. sive autem 23. ff. de donat. int. vir. & uxor. l. res uxoris 4. in fin. l. donationes quas 25. Cod. eod. tit.* Nec illa tantum donatio confirmatur morte donantis quæ re perfecta est, i. e. traditione, sed etiam quæ stipulatione contracta est, puta si donandi animo stipulanti uxori maritus promiserit, & in eadem sententia usque ad supremum vitæ exitum permanferit. Hæc quæquam donatio morte mariti confirmatur, danda actione in heredem ejus *d. l. 32. §. 23. l. si stipulata 33. ff. de donat. int. vir. & uxor. nov. 162. c. 1.* Etiam jurejurando donationes inter conjuges confirmari possunt arg. *l. 1. & auth. Sacramenta puerum. Cod. si advers. vendit. c. quamvis 2. de pact. in 6. c. cum contingat. 28. extr. de jure jurand. Wesenb. parat. b.*

13. Donatio quam pater filiofamilias fecit nulla est *l. 1. §. 1. ff. pro donat. l. 13. Cod. de collat.* quia pater & filius una & eadem persona esse censentur *l. fin. in fin. Cod. de impub. & alii subst.* nemo enim sibi ipsi donare potest, nam distinctio esse debet, inter dantem & accipientem, quodque semel meum est amplius meum fieri non potest. Nisi eam donationem mors confirmet *l. donationes quas 25. Cod. de donat. int. vir. & uxor.* aut emancipatio *l. donationes 31. §. pater 2. ff. de donat.*

14. Qui-



14. Quibusdam verò casibus valet donatio filiofamilias à patre facta. Ut si res quasdam filio proficiscenti in militiam pater donaverit *l. si filius. 4. Cod. fam. ercis. l. 1. Cod. de castr. pecul. lib. 12.* Item si propter bene merita ei donaverit, remuneratio-  
nis loco arg. *l. in ipsius. 5. Cod. fam. ercis. l. cum pater 77. §. rogo filia 25. ff. de legat. 2. l. 3. ff. de obseq. parent. & patron. præst.* Item donatio facta à patre filio causa studiorum *l. quæ pater 50. ff. fam. ercis.* Item donatio filiofamilias in potestate facta valet, quando pater remittit usumfructum in bonis adventitiis filii sibi debitum *l. cum oportet. 6. §. sin autem Cod. de bon. quæ liber.* Item donatio facta filiae ex causa dotis, vel filio ex causa donationis propter nuptias *l. Pomponius. 35. ff. fam. ercis.*

15. Mater filio, morte patris vel emancipatione sui juris facta, donare potest *l. 17. Cod. de donat. l. si pater. 34. ff. eod. l. 42. §. 1. ff. de donat. m. c.* Sed quæritur an vivente marito, Con-  
stante matrimonio, mater donare possit filio existenti in pa-  
tris potestate? Neg: quia per filium acquireretur patri, & ita  
re ipsa donaretur marito; quæ donatio est prohibita *l. 1. & tor. tit. ff. de donat. int. vir. & uxor.* Sed hoc verum est de jure vete-  
ri, quo patri proprietas & ususfructus in bonis adventitiis per  
filium acquirebatur *§. 1. Inst. per quas person. cuique acquir.* Ho-  
diè verò talis donatio facta à matre valet non solum quoad pro-  
prietatem, cum in bonis adventitiis filio proprietas, patri verò  
ususfructus tantum acquiratur *§. 2. Inst. d. t. l. 6. pr. Cod. de bon. quæ liber.* Sed etiam quoad ususfructum, quando scilicet ea  
lege res donata est filio, ut patri ususfructus non acquiratur  
*Auth. excipitur Cod. de bon. quæ liber.*

16. Perficitur donatio simulatque donator suam volunta-  
tem scriptis aut sine scriptis, vel nuda conventionem manifesta-  
verit, & accesserit donatarii acceptatio *§. 2. Inst. de donat.* In-  
vito enim inscio aut nolenti non potest liberalitas acquiri *l. 19. §. 2. ff. de donat.* Et licet donatio absenti fieri possit non tamen  
prorsus ignorantem & non acceptanti. Nam si quis absenti dona-  
re quicquam velit, per nuntium aut epistolam id fieri debet,  
nec ante valet donatio, quàm is de ea re certior factus consen-  
sum



in suum declaraverit *l. absenti 10. l. 4. ff. de donat. l. 6. Cod. l. 1. 6. Cod. de revoc. donat. l. 42. ff. de donat. m. c.* Donatio non fit sola voluntate donantis, donatio non est sine acceptio-  
*d. l. 4. d. l. 10. l. 19. §. 2. ff. de donat. Cujac. 12 obs. 28. & Con- t. 43.*

17. Donari possunt res quæ sunt in patrimonio nostro, & dominio nostro subjici possunt *l. in adibus. 9. §. fin. ff. de donat. n. t. princ. Inst. de rer. divis.* Sive sint res mobiles five immo-  
les, corporales five incorporales, ut jura & actiones *l. 2. l. 3. 18. Cod. de donat.* Res autem quæ non sunt in commercio ho-  
inum, ut res sacræ, religiosæ, sanctæ, donari non possunt.  
cut nec in stipulationem deduci *d. l. 9. §. fin. §. nullius. 7. & q. Inst. de rer. divis. §. 1. Inst. de inutilib. stipul.* Neque res alie-  
a cum effectu donari potest *d. l. 9. §. ult. l. 14. Cod. de donat.*  
a scilicet ut Statim fiat accipientis, & proprietas vero domi-  
o auferatur, sed interim is qui rem alienam bona fide nactus  
eam pro donato possidet & usucapit. Res aliena bona fide  
onata & tradita usucapitur pro donato *l. 1. & tot. tit. ff. pro do-  
ato.* Sed quæritur re donata evicta, an donatarius de evictio-  
e agere possit? Neg. *l. Aristo. 18. §. Labeo ait. 3. ff. de donat.*  
isi stipulanti donatario evictionem promiserit donator.

18. Omniū bonorū præsentium & futurorum donatio  
alet. *l. si quis argentum. 35. §. sed si quis 4. Cod. de donat. l. si un-  
uam 8. Cod. de revoc. donat. l. si totas 5. Cod. de inoff. donat. l. om-  
es debitores 17. §. 1. ff. quæ in fraud. credit. Cl. Dn. Wissenb. exerc.  
d pand. tit. de donat. th. 11. Perez. Cod. de donat. n. 18. Diff. Fachin.  
controv. 87. Tuld. ad tit. Cod. de donat. n. 4.* Sed quæritur do-  
natione omnium bonorum facta, an etiam bona futura dona-  
a intelligantur? Negat. *l. 7. ff. de auro & argent. legat. arg. l. 5.  
l. de separat.* nam donatio stricti juris contractibus annūmera-  
ur *l. 22. ff. de donat.* quæ non extenduntur ultra ea de qui-  
bus actum.

19. Donatarius omnium bonorum non tenetur dissolvere  
res alienum donatoris *l. æris alieni 15. Cod. de donat.* actio perso-  
nalis qua tenetur debitor, non comitatur possessorem rei de-  
bito-

B



bitoris *l. 1. §. si heres 16. ff. ad Sct. Trebell. l. fin. §. 1. ff. de contrah. empt. l. 25. pr. ff. de O. & A.* Actio verò revocatoria Pauliana creditoribus adversus ipsum superest *l. 17. §. 1. ff. quæ in fraud. credit. nisi ea lege donatum sit, ut creditoribus donantis satis faciat, tunc illis satisfacere cogitur l. 22. Cod. de donat.* Servanda enim est lex donationis *l. 9. Cod. eod. tit.*

20. Donatio quingentos solidos excedens est insinuanda *§. 2. Inst. de donat. l. donatio 25. l. data 27. l. Sancimus 34. Cod. de donat.* id est in tabulas publicas referenda: Et donatio in urbe facta insinuanda est, apud magistrum census, in provinciis apud Præsides vel Defensores civitatis *l. 30. Cod. de donat.* Si donatio apud alios magistratus, quàm cuius jurisdictioni subsit donator, insinuetur, tam insinuantes, quàm Tabellio qui testimonium præbuit, vicens libris auri, & alia gravissima indignatione plectuntur *d. l. 30. l. secundum 32. Cod. de donat.* nam licet donatio non sit controversæ jurisdictionis, convenit tamen donationem in urbe factam expediri & actis annotari, coram iudice competente, qualis in urbe erat magister census. Insinuatio autem statim, tempore donationis, non ex intervallo fieri debet, nam si ea ex intervallo fieri posset, frustra leges tam sollicitè præscriberent, donationem oportere fieri apud acta, actisque intervenientibus, *l. donatio 25. l. data 27. Cod. de donat. Perez. Cod. eod. tit. n. 30.*

21. Donatio excedens summam quingentorum solidorum sine insinuatione facta, non vitiatur in totum, propter insinuationem omisam. Sed eatenus tantum quatenus eam summam excedit *l. Sancimus 34. princ. & §. 1. in fin. l. 35. §. 3. l. penult. §. ult. Cod. de donat.* Utile enim per inutile non vitiatur, ubi alterum ab altero separari potest *c. utile. 37. de R. I. in 6.* Sicut donatio inofficiosa non in totum rescinditur, sed usque ad legitimam tantum *l. 2. l. 5. l. 8. Cod. de inoff. donat.* Sed quæritur an donator huic insinuationi renunciare possit? Neg: quia illis legibus, quæ inducunt certam solemnitatem in actibus hominum, & prohibent contractus, vel dispositiones sine certa solemnitate fieri, renunciari non potest *l. nemo potest. 55. ff. de legat.*



at. 1. l. ita autem 5. §. 7. ff. de admin. & peric. tutor.

22. Sunt tamen quædam donationum genera, quæ citra insinuationem plenissimam habent firmitatem, etiam si quingentis aureos excedant, Ut donatio quæ fit ex causa redemptionis captivorum. l. si quis 36. pr. Cod. de donat. Donatio facta militibus à magistro militum, ob res præclare in bello gestas d. l. 36. Donatio propter nuptias l. ult. Cod. de donat. ant. nupt. nov. 119. 1. Donatio facta à Principe in privatos, & à privato in Principem l. 34. pr. Cod. de donat. Donatio mortis causa, cum sit inter legati, & pœnitentia revocari possit, & legatum non insinuatur, dummodo fiat in præsentia quinque testium l. fin. Cod. de donat. m. c. Donatio remuneratoria arg. nov. 119. c. 1. l. Aquilius 27. ff. de donat. Donatio facta in refectionem domus, ruina aut incendio corruptæ d. l. 36. Donatio plurium rerum diversis temporibus ab una persona in eundem donatarium collata, quæ singulæ non excedunt legitimam quantitatem, insinuationem non requirit, quantumvis coacervatæ quingentos aureos excedant. Intelliguntur enim plures esse donationes non una d. l. Sancimus 34. §. si quis autem 3. Cod. de donat.

23. Donatio simplex sive inter vivos, semel perfectate-  
re revocari non potest §. 2. Inst. de donat. l. ult. Cod. de revoc.  
donat. Donatio enim inter vivos est pactum legitimum à quo  
alter invito recedere non licet l. 1. ff. de pact. l. sicut. 5. Cod. de  
re. & A. nam quod semel placuit amplius displicere non po-  
test c. quod semel. 21. de R. I. in 6. Sunt tamen casus quibus donationes perfectæ & consummatæ rescinduntur vel pro parte vel in totum. Pro parte tantum revocantur donationes inofficiosæ, quales dicuntur, quæ tantæ sunt quantitatis, ut non sit æqua legitima filiis, & aliis quibus per leges debetur l. 1. l. 2. l. 3. l. 5. Cod. de inoff. donat. nov. 92. c. 1. nam liberis datur quærela contra donationem à patre factam d. l. 1. l. 2. l. 7. Cod. eod. 2. Parentibus contra, donationem factam à liberis l. 4. Cod. d. tit. Fratribus quoque quærela competit ad similitudinem quærelæ inofficiosi testamenti, eo saltem casu quo inofficiosa



donatio facta est personæ turpi gloss. in l. 2. in fin. & l. 4. Cod. de inoff. donat. Donatio autem non in solidum rescinditur, sed in portionem legitimam, debita tantum portio revocatur aut suppletur l. 1. l. 2. l. 5. Cod. d. t.

24. In totum revocantur donationes duabus ex causis. Prima causa est ingratitude donatarii §. 2. Inst. de donat. Et hoc adeo verum est, ut etiam si donationis instrumento clausula adjecta fuerit, quod nec ob ingratitudinem ullo tempore, donatio revocari valeat, nihilominus si donationis acceptor ingratus erga donatorem existat, revocationi locus sit, nec valet illud pactum tanquam contra bonos mores initum l. pacta quæ 6. Cod. de pact. l. si usu 27. §. pacta 4. ff. eod. cum per huiusmodi pactum donatarius invitetur ad delinquendum, quæ pacta non valent l. illud convenire 5. ff. de pact. dotat. d. l. 27. §. 4. Causæ verò ingratitudinis numerantur quinque l. ult. Cod. de revoc. donat. Videlicet. Si donatarius in donatorem impias manus injecerit, si atroci injuria eum affecerit, si grave damnum rebus donatoris intulerit, si vitæ periculum inferre præsumserit, vel insidiatus fuerit, si conventiones in donatione appositæ non impleverit d. l. ult. Atque hæ causæ dilucidis argumentis in judicio cognitionaliter probari debent l. penult. & ult. vers. ex his Cod. de revoc. donat. Et quidem ab ipso donatore, qui si filierit & non fuerit conquestus, post ejus mortem non licet heredibus vel successoribus revocatoria actione propter ingratitudinem agere l. 1. l. ult. vers. hoc autem Cod. d. t. Heres verò donatarii ingrati, tenetur donatori actione revocatoria d. l. ult. in fin. arg. l. his solis Cod. de revoc. donat. Cl. Dn. Wissenb. Exercitat. ad pand. tit. de donat. th. 15.

25. Et ex his tantummodo causis, non aliis æque gravioribus, donatio revocari potest l. ult. vers. ex his Cod. de revoc. donat. Quia hæc lex pœnam continet quæ non debet extendi ex paritate aut majoritate rationis, ad alia quam ad illa de quibus expressè disponit. Idèò etiam donatio revocari non potest, si donatarius donatorem omnium vel majoris partis bonorum, facultatibus lapsus alere recuset d. l. ult. vers. ex his, dona-



donatarius enim naturaliter tantum obligatur ad remunerandum *l. 25. §. consuluit. 11. ff. de hered. petit.* naturalis autem obligatio non parit actionem. *l. 7. §. 5. ff. de pact.* Illi enim subvenitur ante donationis traditionem, ne ultra quam facere potest excutiatur *l. 19. §. 1. ff. de re judic. l. si extraneus 33. princ. ff. de jure dot. l. 28 ff. de R. I. §. sed etsi quis 38. Inst. de action. l. 173. ff. de R. I.*

26. Altera revocationis causa est. Patronus (non donator quivis alius) liberto donationem factam, revocare potest, obnatos postea liberos *l. si unquam 8. Cod. de revoc. donat.* quod procedit etiam si unus tantum nascatur quoniam appellatione liberorum unus quoque comprehenditur, & sine liberis decessisse non dicitur qui vivum reliquit *l. 148. ff. de V. S.* Liberos puta justos *l. 4. §. 6. ff. de re judic.* nam liberi naturales & multo minus spurii non causant hanc revocationem *arg. l. filium. 6. ff. de his qui sunt sui vel alien. jur. l. 5. ff. de in jus voc. §. 12. Inst. de nupt.* Legitimos tamen complectitur Constitutio *d. l. 8.* Sive per rescriptum Principis sive per subsequens matrimonium *arg. nov. 74. c. 2. nov. 89. c. 9. §. fin. Inst. de nupt. Cl. Dn. Wissenb. Exercit. ad pand. tit. de donat. Donell. ad l. 8. Anton. Fab. lib. 7. conject. cap. 14. & seq.* Sed liberi nati statim post donationem, vivo donatore iterum decesserunt. quæritur, an donatio convalescat? *Neg. d. l. 8. verb. in ejusdem donatoris arbitrio & ditione mansurum.* Actio enim quæ donatario competierat extinguitur, susceptis postea à donatore liberis. Semel autem actio extincta non suscitatur *l. Marcius 66. §. 1. ff. de legat. 2. l. qui res 98 §. aream. ff. de Solut. Fachin. 3. controv. 99. Perez. Cod. de revoc. donat.*

27. Donatarius donatori restituere debet ea, quæ tenet eo tempore quo controversia à donatore movetur: Nam quæ ante vendidit, donavit, permutavit, in dotem dedit, non revocantur, sed firma manent *l. his solis 7. Cod. de revoc. donat.* ne ei ad quem res legitimè pervenit, noceat factum alienum. Sed quæritur an fructus percepti revocentur? Resp. non alios fructus venire in restitutionem, quam qui extabant tempore donationis, cum unà censeantur donati, modò tamen extent, non alienati, aut ex alienatis factus sit locupletior donatarius,



quia videntur extare. Medio verò tempore percepti, non sunt obnoxii restitutioni, quia non censentur donati, nec eos donatarius perceperit ut donatos, sed ut proprios ex re sua collectos. *l. 9. §. 1. ff. de donat.* Post litem contestatam percepti sunt restituendi, nam culpa & dolus exinde præstantur *l. 4. §. 2. ff. fin. regund.*

28. Donatio mortis causa est liberalitas quæ cogitatione seu consideratione mortis instantis vel futuræ fit, cum donans magis vult se habere rem donatam quam eum cui donat, & magis eum cui donat, quam heredem suum *l. 1. ff. de donat. m. c. §. 1. Inst. de donat.* Mentio autem mortis vel alterius periculi in ea fieri debet, ne habeatur pro donatione inter vivos *l. Seja 42. §. 1. in fin. ff. de donat. m. c. §. 1. verb. si quid humanitus Inst. de donat.*

29. Tres sunt species donationis mortis causa, una cum quis sanus, & in bona valetudine positus, nulloque præsentis periculi metu territus, sola cogitatione mortalitatis donat. Altera cum quis metu mortis, aut præsentis periculi, veletiam futuri ita donat, ut statim res fiat accipientis, quo casu statim quidem est perfecta donatio, sed sub conditione resolvitur, si videlicet donator præsens periculum evadat. Tertia cum quis periculo motus non sic donat, ut statim faciat rem accipientis, sed tunc demum cum mors fuerit insecuta, quo casu sub conditione pendet donatio *l. Iulianus 2. l. Senatus. 35. §. mortis causa 4. ff. de donat. m. c.*

30. Cui permissum est testari, permittitur quoque mortis causa donare, quanquam de facto testamentum non fecerit, cum facere tamen possit. *l. Marcellus 15. l. tam is 25. ff. de donat. m. c. l. 32. §. 8. ff. de donat. int. vir. & uxor. l. filiusfam. 7. §. fin. ff. de donat.* Excipitur filiusfamilias, qui licet testamenti factionem activam non habeat, etiam si pater hoc ei permittat *l. qui in potestate 6. ff. qui testam. fac. poss.* Mortis tamen causa donationem facere potest, si patris in cuius potestate est, auctoritas & consensus interveniat *d. l. tam is §. 1. ff. de don. m. c.* Bona verò adventitia quorum ususfructus patri non acquiritur, tam mortis causa, quam inter vivos donare potest, citra consensum



sum patris, quoniam dominus est & arbiter istorum bonorum,  
& nulla lege de iisdem disponere prohibetur, quin imò expres-  
sè facultas ei data est quo velit modo, bona ista administrandi  
nov. 117. c. 1. pr. & §. 1. Fach. 5. controv. 25. Perez. Cod. de donat.  
m. c. n. 18.

31. Omnibus, qui in testamento heredes institui, & quibus  
legata relinqui possunt, etiam mortis causa donari potest l.  
omnibus. 9. l. Senatus 35. pr. ff. de don. m. c. licet ipsi testamenti  
factionem activam non habeant. Unde filiusfamilias, impu-  
bes, Servus, quanquam testamentum condere nequeant Inst.  
quib. non est. permis. fac. testam. heredes tamen institui possunt  
Inst. de hered. instit. Et similiter eis legata relinqui, & mortis  
causa donationes fieri possunt §. legari 24. Inst. de legat.

32. Donatio mortis causa in multis comparatur legatis, ita  
ut quod in legatis juris est, idem & in mortis causa donationi-  
bus obtineat, §. 1. Inst. de donat. l. Marcellus. 15. in fin. l. etsi debi-  
tor. 17. in fin. l. illud. 37. pr. ff. de donat. m. c. l. ult. Cod. eod. tit.  
Sicut enim in legatis & qualibet ultima voluntate (excepto te-  
stamento) ad minus quinque testes requiruntur l. fin. §. fin. Cod.  
de Codicill. ita quoque in donatione mortis causa l. fin. Cod. de  
donat. m. c. Sicut de legatis detrahitur Falcidia ff. & Cod. ad L.  
Falcid. ita quoque de donatione mortis causa l. si mortis 5. l. in  
donationibus 12. Cod. ad L. Falcid. Sicut jus accrescendi locum ha-  
bet in legatis, ita & in donationibus mortis causa l. unic. §. fin.  
Cod. de caduc. toll. Sicut legata morte testatoris confirmantur,  
ita quoque hæc donatio. Sicut de alimentis testamento relictis  
non licet transigere citra Prætoris auctoritatem, ita nec de ali-  
mentis mortis causa donatis l. 8. princ. & §. 2. ff. de transact.  
Postremò utrobique locum habet Cautio Mutiana nov. 22. c.  
44. §. ult.

33. Dixi in multis comparari legatis, in aliquibus verò  
differunt, Sic legata testamento relinquuntur, donationes  
mortis causa extra testamentum, unde filiusfamilias qui testa-  
mentum facere nequit, alioquin nec legare, mortis tamen  
causa permittente patre donare potest l. tam is 25. §. 1. ff. de do-  
nat.



*nat. m. c.* Donatio mortis causa cessante periculo, cujus intuitu erat facta extinguitur §. 1. *vers. fin. Inst. de donat.* Legatum verò etsi ex morbo convaluerit donator, non revocatur. Legatum absenti & ignorantem relinqui potest, in donatione verò mortis causa, præsentia tam donatarii, quàm donantis requiritur *l. inter mortis 38. ff. de donat. m. c.* Accusans testamentum de falso perdit legatum in testamento relictum non autem donationem mortis causa *l. post legatum. 5. §. qui principale 14. junct. §. qui mortis ff. de his quib. ut indign.*

34. Donatio mortis causa revocatur tribus ex causis. Primum quando donans reconvalescit ab infirmitate, & liberatur periculo mortis, cujus causa donavit. Et ipso jure talis donatio revocatur, absque alia expressa revocatione §. 1. *Inst. de donat.* Secundò sola pœnitentia donantis revocatur hæc donatio, siue enim sanus sine aliquo periculo, siue infirmus mortis causa donavit, & postea eum pœnituit revocatur donatio *d. §. 1. pr. l. qui mortis 30. ff. de donat. m. c.* Ambulatoria enim est voluntas hominis, usque ad supremum vitæ spiritum *l. 4. in fin. ff. de adim. legat.* Tertiò quando donatarius prius moritur, quàm donator, tunc quoque ipso jure revocatur donatio, quia donatio causa mortis vivente donatore, non transmittitur ad heredes donatarii *d. §. 1. Inst. de donat. l. non omnis 19. princ. ff. si cert. petat.* Sed quæritur si periculum cujus contemplatione erat facta, cesset, quænam actio competat donatori pro re repetenda? Resp. aut dominium est translatum in donatarium, quia donator dedit ut statim fieret accipientis, sed redderet si convalesceret donator, & tunc repetitur utili rei vindicatione, vel condictione ab causam, *l. si mortis 29. cum. l. seq. ff. de donat. m. c. tot. tit. ff. de condict. ob caus.* aut dominium non est translatum in donatarium, & tunc repetitur directa rei vindicatione *d. l. si mortis 29.*

F I N I S.



Legi-  
one vero  
s requi-  
maxima  
viri do-  
ale 14.

Pri-  
 onoma-  
 dani-  
 oris  
 d. s.  
 vo-  
 ff.  
 am  
 ra-  
 des  
 pe-  
 sta,  
 da?  
 do-  
 ra-  
 e, el  
 ut m.  
 am in  
 d. d. s.